



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

A.nr.52/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët, Kymete Kicaj, kryesuese, Skender Çoçaj dhe Arsim Hamzaj anëtarë, duke vendosur lidhur me ankesën e parashtruar nga Subjekti Politik Demokracia Serbe me seli në Mitrovicën e Veriut, paraqitur kundër vendimeve të Komisionit Qendror të Zgjedhjeve (KQZ), Vendimi Nr.01/84-2025 për Miratimin e Përbërjes së Këshillave të Vendvotimeve në Vendvotimet e Rregullta dhe me Kusht dhe Vendimi Nr.01/85-2025, për Miratimin e Përbërjes së Ekipeve të Numërimit në Qendrat Komunale të Numërimit (QKN) të datës 14.01.2025, për Zgjedhjet e Përgjithshme për Kuvendin e Republikës së Kosovës, që do të mbahen më datë 09.02.2025, në seancën e panelit të mbajtur më datë 18.01.2025, mori këtë:

V E N D I M

REFUZOHET e pabazuar ankesa Anr.52/2025 e datës 17.01.2025, e parashtruar nga Subjekti Politik Demokracia Serbe me seli në Mitrovicën e Veriut, paraqitur ndaj Vendimeve të Komisionit Qendror të Zgjedhjeve - Vendimi Nr.01/84-2025, i datës 14.01.2025, për Miratimin e Përbërjes së Këshillave të Vendvotimeve në Vendvotimet e Rregullta dhe me Kusht, dhe vendimit Nr.01/85-2025, i datës 14.01.2025, për Miratimin e Përbërjes së Ekipeve të Numërimit në Qendrat Komunale të Numërimit (QKN), për Zgjedhjet e Përgjithshme për Kuvendin e Republikës së Kosovës, që do të mbahen më datë 09.02.2025.

A r s y e t i m

Më datë 17.01.2025, Subjekti Politik Demokracia Serbe, me seli në Mitrovicën e Veriut, përmes postes ka parashtruar ankese ndaj vendimeve të KQZ-së, të datës 14.1.2025, duke theksuar se subjekti i tyre politik sërish nuk ka marrë përfaqësues në këshillat zgjedhore në komunat Zubin Potok, Zveçan, Shtërpçë, Novobërdë, Kilokot dhe Partesh, ku theksojnë se ende i kemi vetëm 23 përfaqësues në komunat e Leposaviqit, Mitrovicës së Veriut, Ranillugut dhe Graçanicës, me fjalë të tjera, numri i përfaqësuesve tanë nuk ka ndryshuar në raport me vendimin fillestar të KQZ-së, ka mbetur në 23.

Një vendim i tillë i KQZ-së, sërish bie ndesh me vendimin e PZAP-it, A.nr.26/2025, me të cilin PZAP anuloi Vendimin e KQZ-së, për miratimin e përbërjes së ekipeve të numërimit në qendrat komunale të numërimit dhe Vendimin për miratimin e përbërjes së këshillave zgjedhore në

qendrat e votimit të rregullta dhe me kusht, me të cilat ia keni kthyer çështjen KQZ-së në rishqyrtim,

Edhe pse PZAP pranoi ankesën tonë, KQZ-ja e shpërfilli vendimin e PZAP-së, duke cenuar më tej ligjshmërinë dhe legjitimitetin e procesit zgjedhor. Përveç kësaj, partia “Për liri, drejtësi dhe mbijetesë”, përsëri mori një numër disproporcionalisht të lartë të anëtarëve në këshillat e votimit dhe qendrat e numërimit të votave, dhe se shtrojmë pyetjen: Mbi çfarë baze konsiderohet partia “Për liri, drejtësi dhe mbijetesë”, si pasuese ligjore e iniciativës qytetare me të njëjtin emër që mori pjesë në zgjedhjet e mëparshme? Edhe nëse konsiderohet se partia e “Për liri, drejtësi dhe mbijetesë”, është trashëgimtare ligjore e iniciativës qytetare me të njëjtin emër, duhet pasur parasysh se iniciativa qytetare ka fituar një numër të vogël votash në krahasim me partitë tjera. Prandaj, në bazë të gjithçkaje të bashkangjitur, ju ftojmë sërish të kontestoni numrin joproporcional të përfaqësuesve të partisë “Për liri, drejtësi dhe mbijetesë”, në këshillat zgjedhore, dhe ju ftojmë sërish të kundërshtoni vendimin e fundit të KQZ-së dhe të caktoni së paku nga 7 anëtarë subjektit politik Demokracia Serbe në këshillat zgjedhore në komunat e Klllokotit, Parteshit, Zveçanit, Zubin Potokut, Shtërpçës dhe Novobërdës.

Në përgjigjen në ankesë të datës 18.01.2025 KQZ thekson se në vendimet e plotfuqishëm të Panelit Zgjedhor për Ankesa dhe Parashtresa (PZAP) për A.nr 17/25, A.nr 18/25, A.nr 20/25, A.nr 19/25 të datës 11.01.2025 dhe A.nr 26/25 e datës 13.01.2025 e ka kthyer në rivendosje vendimet e KQZ-së: Vendimi Nr.01/30-2025, i datës 08.01.2025 për Miratimin e Përbërjes së Ekipeve të Numërimit në Qendrat Komunale të Numërimit (QKN) dhe Vendimi Nr.01/31-2025, i datës 08.01.2025 i Komisionit Qendror i Zgjedhjeve për Miratimin e Përbërjes së Këshillave të Vendvotimeve në Vendvotimet e Rregullta dhe me Kusht. Duke pasur parasysh se vendimet e PZAP-së janë të detyrueshme për tu zbatuar, KQZ sipas nenit 77 paragrafi 5 i ligjit Nr.08/L-228 për Zgjedhjet e Përgjithshme në Republikën e Kosovës në mbledhjen qarkulluese të mbajtur me datën 14.01.2025 ka miratuar përbërjen e Ekipeve të numërimit në Qendrat Komunale të Numërimit për Kuvendin e Republikës së Kosovës, që do të mbahen më 09 shkurt 2025, në pajtim me autorizimet e dhëna me nenin 63, 64 dhe nenin 101 të Ligjit Nr.08/L-228, për Zgjedhjet e Përgjithshme në Republikën e Kosovës, nenin 20 paragrafi 1 dhe 4 të Rregullores Zgjedhore Nr.16/2024 Qendrat Komunale të Numërimit, si dhe neni 3 paragrafi 1,2 nën paragrafi 2.1 dhe 2.2 dhe të Rregullores Zgjedhore Nr.11/2024 Këshillat e Vendvotimeve. KQZ, gjatë ndarjes së vendeve përtej neneve të lartcekura është angazhuar që gjatë shqyrtimit dhe vendimmarrjes të përdorë një qasje gjithë përfshirëse sidomos për komunitetin jo shumicë duke i ndarë vende përtej prezencës së komuniteteve të caktuara në vendvotimet e ndryshme apo numrin e votave, e në këtë rast edhe të subjekti politik Srpska Demokratija. Gjithashtu, KQZ është kujdesur që të siguroj përfaqësim të drejtë në KVV edhe për subjektet e reja që garojnë në zgjedhje edhe për të gjitha komunitetet shumicë dhe ato pakicë. Subjekti politik, nga radhët e komunitetit serb, i cili është ankuar për vendimin e KQZ-së është subjekt i ri politik, i regjistruar më 16 dhjetor 2023, i pa përfaqësuar në Kuvendin e Kosovës apo në ndonjë Kuvend Komunal në ndonjë komunë të Republikës së Kosovës. KQZ, i ka ndarë këtij subjekti politik 23 vende në Këshillat e Vendvotimeve në disa komuna: Leposaviq, Graçanicë, Ranillug dhe Mitrovice a Veriut. Gjithashtu, KQZ ka vendosur edhe për përfaqësimin në KVV, duke u mbështetur në përkufizimet e nenit 2 të Rregullores Zgjedhore Nr.11/2024, për Këshillat e Vendvotimeve parashihet që: "KQZ kujdeset që të sigurojë përfaqësimin e drejtë në KVV, për të gjitha komunitetet, duke u bazuar në: 2.1. Numër të dallueshëm të popullatës brenda një komune; 2.2. numrin e votave të subjekteve politike të secilit komunitet, në nivel vendi dhe në nivel komunal". Pretendimet e palës ankuese se mos përfshirja në KW cenohet ligjshmëri dhe

legjitimiteti i procesit zgjedhor nuk qëndrojnë për arsyeje se të gjitha subjektet politike e edhe ky subjekte politik bazuar në Rregulloren Zgjedhore Nr. 08/2024 Vëzhguesit e Zgjedhjeve neni 2, par. 1 thekson "Subjektet politike të certifikuara, Organizatat jo qeveritare (OJQ), Organizatat qeveritare e ndërqeveritare, organizatat ndërkombëtare të specializuara të cilat merren me zgjedhjet dhe mbrojtjen e të drejtave të njeriut dhe përfaqësuesit e vendeve të huaja kanë të drejte të aplikojnë për akreditim të vëzhguesve". Prandaj, ky subjekt dhe subjektet tjera të cilat nuk janë të përfaqësuara në të gjitha vendvotimet ato mund ta dërgojnë nga një vëzhgues të akredituar për vëzhgimin e procesit në vendvotim të rregullta dhe me kusht. Ndërsa në Qendrën Komunale të Numërimit i lejohet jo me shume se një vëzhgues, nga e njëjta organizate e akredituar për secilën tavoline të numërimit. Gjatë leximit të ankesës së subjektit ankues mund të vërehet se ky subjekt politik ka qasje përjashtuese për subjektet tjera politike nga i njëjti komunitet duke kërkuar që të ketë me shumë përfaqësim se subjektet politike nga i njëjti komunitet. Për çka bie ndesh me kërkesën e këtij subjekti politik i cili ka kërkuar trajtim të barabartë me subjektet tjera për gjithë përfshirje dhe pjesëmarrje në zgjedhje. Gjatë shqyrtimit të ankesës PZAP duhet të ketë parasysh se mos emërimi i KVV-ve brenda afateve të përcaktuara rrezikon procesin zgjedhor i cili tani është në fazën e fillimit të trajnimeve të KVV-ve. Andaj, në bazë të neneve të lartcekura, konsiderojmë se ankesa e ankuesit, është e pa bazuar dhe si e tillë duhet të refuzohet.

Paneli, pas shqyrtimit të ankesës të parashtruar nga ankuesi, gjeti se:

- Ankesa është e pa bazuar

Pretendimet e palës ankuese se Vendimi Nr.01/85-2025, i datës 14.01.2025 për Miratimin e Përbërjes së Ekipeve të Numërimit në Qendrat Komunale të Numërimit (QKN) dhe Vendimi Nr.01/84-2025, i datës 14.01.2025 i Komisionit Qendror i Zgjedhjeve për Miratimin e Përbërjes së Këshillave të Vendvotimeve në Vendvotimet e Rregullta dhe me Kusht, se vendimet e kontestuara të KQZ-së janë në kundërshtim me Ligjin për Zgjedhjet e Përgjithshme në Republikën e Kosovës, Paneli i vlerësoj si të pabazuara për faktin se me dispozita ligjore janë përcaktuar qartë përbërjet dhe funksionet e KVV, ku shprehimisht dispozita e nenit 77 par.3 i Ligjit për Zgjedhjet e Përgjithshme, parasheh se *“Kryesuesit e këshillave të vendvotimeve zgjidhen në mënyrë të barabartë në mesin e katër (4) subjekteve politike të certifikuara që kanë fituar numrin më të madh të votave për Kuvendin e Kosovës gjatë zgjedhjeve të fundit në atë komunë”*, ndërsa paragrafi 4 i këtij neni thekson se *“pavarësisht paragrafit paraprak të këtij neni, në rast se kërkohet, KQZ-ja, ka kompetenca për të emëruar sipas zgjedhjes së saj anëtarët e KVV-ve, të cilët nuk i përmbushin kushtet sipas këtij neni”*.

Pala ankuese pretendon se sipas vendimit nr.01/84-2025 të datës 14.01.2025, për Përbërjen e Këshillave të Vendvotimeve të Rregullta dhe me Kusht dhe vendimit nr.01/85-2025 të datës 14.01.2025, për Përbërjen e Ekipeve të Numërimit në QKN, për Zgjedhjet për Kuvendin e Republikës së Kosovës, që do të mbahen më 09 shkurt 2025, se KQZ-ja, numri i përfaqësuesve tanë nuk ka ndryshuar në raport me vendimin fillestar të KQZ-së, ka mbetur në 23, Paneli i vlerësoj si të pabazuara për faktin se me dispozita ligjore janë përcaktuar qartë përbërjet dhe funksionet e KVV, ku shprehimisht dispozita e nenit 77 par.3 i Ligjit për Zgjedhjet e Përgjithshme, parasheh se *“Kryesuesit e këshillave të vendvotimeve zgjidhen në mënyrë të barabartë në mesin e katër (4) subjekteve politike të certifikuara që kanë fituar numrin më të*

madh të votave për Kuvendin e Kosovës gjatë zgjedhjeve të fundit në atë komunë”, ndërsa paragrafi 4 i këtij neni thekson se “pavarësisht paragrafit paraprak të këtij neni, në rast se kërkohet, KQZ-ja, ka kompetenca për të emëruar sipas zgjedhjes së saj anëtarët e KVV-ve, të cilët nuk i përmbushin kushtet sipas këtij neni”.

Pas verifikimit të provave të bashkangjitura në shkresat e lëndës dhe përgjigjes së KQZ-së, paneli vërtetoi se subjekti politik, Demokracia Serbe sipas vendimit nr.01/84-2025 të datës 14.01.2025, për Përbërjen e Këshillave të Vendvotimeve të Rregullta dhe me Kusht dhe vendimit nr.01/85-2025 të datës 14.01.2025, për Përbërjen e Ekipeve të Numërimit në QKN, subjektit politik Demokracia Serbe KQZ-ja i ka ndarë këtij subjekti politik 23 vende në Këshillat e Vendvotimeve në disa komuna: Lepasaviq, Graçanicë, Ranillug dhe Mitrovice e Veriut.

Bazuar në të lartcekurat paneli vlerëson se KQZ ka bërë shpërndarjen e KVV-ve në vendvotimet e rregullta, me kusht dhe ekipet e numërimit në QKN në bazë të kriterëve dhe kushteve të përcaktuara me ligj dhe aktet nënligjore ku ndarja është bërë duke trajtuar në mënyrë të barabartë për të gjitha subjektet politike në mënyrë që kjo përfshirje të reflektoj pjesëmarrjen e barabartë për të gjithë ata që marrin pjesë në procesin zgjedhor.

Përfundimisht paneli nga PZAP ka gjetur se KQZ-ja ka vendosur në mënyrë të drejtë dhe të barabartë për të gjitha subjektet politike, duke u bazuar në dispozitat ligjore në fuqi, si për subjektet që kanë fituar numrin më të madh të votave në zgjedhjet e fundit, e po ashtu edhe për të gjitha subjektet tjera pjesëmarrëse dhe se mbi këtë arsye të njëjtave nuk iu është bërë ndonjë padrejtësi me vendimin nr.01/84-2025 të datës 14.01.2025, për Përbërjen e Këshillave të Vendvotimeve të Rregullta dhe me Kusht dhe vendimin nr.01/85-2025 të datës 14.01.2025, për Përbërjen e Ekipeve të Numërimit në QKN, në këtë kontekst duhet pasur parasysh edhe dispozitën ligjore nënin 77 par.4 të LZP-së e cila i jep të drejtë KQZ-së, për të emëruar anëtarë të KKV sipas zgjedhjes së saj, pa marrë parasysh numrin e votave të fituara në zgjedhjet e fundit.


Prandaj, nga arsyet e paraqitura më lart dhe në pajtim me nenin 13 paragrafi 2 të Rregullores së PZAP-it Nr.01/2024, për Procedurën e Shqyrtimit dhe Vendosjes së Ankesave, si dhe nenit 118 paragrafi 1 i Ligjit për Zgjedhjet e Përgjithshme në Republikën e Kosovës, Paneli vendosi si në dispozitiv të këtij vendimi, duke i refuzuar ankesën si të pabazuar.

Paneli Zgjedhor për Ankesa dhe Parashtresa

A.nr.52/2025, datë 18.01.2025

Kryesuesë e Panelit

Kymete Kicaj



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi.